

## **Chrieg u Fride fö im Chliine-n a**

*· i jedem Ougeblick*

*Bi mir, bi dir, bi üüs, bi aune*

*i üser Hand ligt ds Wältegschick*

*Ds Gift vom Chrieg wott i *nid* nähre*

*'s o nid nach usse traage*

*Wott eifach warm u verletzlich blibe*

*mit Nöigiir u viu Fraage*

***Töif im Innre Gwüssheit gwinne***

***Dr Chrieg lah-n-i la. sy***

***Töif im Innre Klarheit finde***

***Ja für Fride stah-n-i i***

***Tuet mi öpper diffamiere***

*i diffamiere nid*

*U wott mi öpper schigganiere*

*i schigganiere nid*

*Tuet mi öpper blöd aamache*

*i gibe nid glich zrügg*

*U wott mi öpper grad *nid* ärnscht näh*

*de mach i ds Gliche nid*

***Oug um Oug – u Zahn um Zahn***

***... Nei, das cha's nid sy***

*Mit Waffe wöue Fride schaffe ...*

*Mit Druck Verhandlige-n erzwinge ...*

*Mit Strafe wöue z'Bode bringe ...*

***I weis – en andri Wäut isch müglech***

*das isch für mi ke Frag*

*Mir chöi se-n itze-n afah läbe*

*mit jedem nöije Tag*

*E Wäut wo ds Glück vo aune-n andre*

*mis eigete darf sy*

*E Wäut wo mir ganz töif vo Härze*

*verbunde mit Auem sy*

***Wo mir im Chreis tüe ds Läbe fiire ...***

***... Da bin-i drby***

*Wo üsi Gfüeu üs mönschlech mache ..*

*Wo aui Meinige chöi Platz ha ...*

*Wo mir d’Natur als Wäse-n ehre ...*

***Wo Mönsche-n irem Härz vertraue***

***... Ja, da rüeft’s mi hi***

*Wo Mönsche-n iri Vielfalt läbe ...*

*Wo Mönsche singe, tröime, lache ...*

*Wo Mönsche no a Fride gloube ...*

***Töif im Innre Gwüssheit gwinne***

***Dr Chrieg lah-n-i la. sy***

***Töif im Innre Klarheit finde***

***Ja für Fride stah-n-i i***

***Ja, für Fride stahn-i i*** (F-Dur)

*Berndeutsches Lied für Frieden im Innen und im Aussen*

